


## Sprachwelten

### La professiun dals siemis

von Sibylle Pfiffner



Sch'ins dumonda in uffant tge ch'el veglia daventar cura ch'el saja grond, vegn la resposta: «policist u pumpier». En il cudesch d'amizia chatt'ins era «princesa», «veterinaria» u in mastergn ch'ils geniturs exqueschan.

Cun l'examen final d'emprendissadi n'è la professiun dals siemis anc ditg betg cuntanschida. «Cun la professiun mercantila has ti almain insatge en satg! La scolaziun mercantila è ina buna basa...» Tgi n'ha betg gia udì qua e là questa frasa? Jau gudagnass pli gugent mes daners cun malegiar caricaturas, sunar clavazin, sautar, fotografar e far bellavita. Però jau na sai betg caricaturar, e cun ina musica da giats na gudogn ins era betg in sfratg. Pia ma sun jau decidida per la via convenziunala: dieschavel onn da scola, Scola media da diplom ed il Seminari da mussadras. Jau na truesch betg questa via, però ella è la via 08/15. E tuttina, ella m'ha purtà vinavant. Suentar mintga examen final è la proxima porta s'averta. Quai è la clav da mes success. Senza quitads e tut cuntenta hai jau mintgamai prendì per mauns la proxima sfida. Pass per pass hai jau cuntanschì il meglier cumpromiss en mia vita. In job cun uras da bloc munta per mai la pura libertad. Ed jau gi aud plainamain mias set emnas da vacanzas e la raccolta da mia lunga scolaziun. Tgi che pretenda ch'ins na possa betg avoir glin e tgil chaud, sa trumpescha. Ins sto be s'aranschar en la vita, cumbatter ed a la fin gudagnar. Jau sun en tuts regards ina victura. Stà si, defenda e retschaiva tia pajaglia – il plaschair da la professiun.